

ZERGATIK?

Manex Arabolaza Palomo

Oiartzun

Zergatik dago jendea miseriaz hiltzen,
besteok dirua sobera dugunean?
Zergatik jokutzen dugu batzuekin irteerarik ez duen
tunel beltza bezain ilun, eta
besteekin egunsentia bezain argi?

Ez dut ulertzen!
Zergatik du bizitzak
hainbeste «zergatik»?

Zergatik onartzen ditugu batzuk
eta besteak ez?
Zergatik ez dugu ezer egiten, jendea
Bidasoa ibaian hiltzen ari den bitartean?

Ez dut ulertzen!
Zergatik du bizitzak
hainbeste «zergatik»?

Zergatik erabakitzen du dena
azalaren koloreak?
Zergatik hitz egin dugu hainbeste Ukraniako gerraz,
eta ez Etiopiakoaz, edo Saharakoaz, edo Siriakoaz?

Ez dut ulertzen!
Zergatik du bizitzak
hainbeste «zergatik»?

EZ AL ZAIZU IRUDITZEN,
HASI BEHAR DUGULA MUNDU
HAU HOBETZEN,
ONDOAN DUGUNA ZAINTZEN,
EDOZEINI LAGUNTZEN,
GU GEU IZATEN,
HAN ETA HEMEN,
GUZTIOK BATERA
TALDE-LANA EGITEN?